

Agencije angazirane na provedbi imovinskih zakona apeliraju na sve nosioce odluka CRPC-a da traže njihovo izvršenje jer, u protivnom, rizikuju gubitak alternativnog smještaja

Medjunarodne agencije koje se bave provedbom imovinskih zakona podsjećaju sve nosioce odluka koje je izdala Komisija za imovinske zahtjeve a kojima se potvrđuje stanarsko pravo da zahtijevaju hitno izvršenje pomenutih odluka.

Nosioci onih odluka CRPC-a koje potvrđuju stanarsko pravo a izdate su prije 28. oktobra 1999. godine moraju zahtijevati od stambenih organa u svojim prijeratnim opcinama da navedene odluke izvrse najkasnije do subote, 28. aprila (s obzirom na to da je zadnji dan ovog roka **subota 28. april**, ukoliko općine ne budu radile toga dana, zahtjevi se mogu podnijeti i u ponedjeljak 30. aprila).

Nosioci odluka CRPC-a kojima se potvrđuje stanarsko pravo a izdate su 28. oktobra 1999. ili nakon tog datuma moraju zahtijevati njihovo izvršenje u roku ne dužem od 18 mjeseci od datuma izdavanja odluke.

Zahtjev za izvršenje odluke može podnijeti nosilac stanarskog prava na koga glasi odluka CRPC-a, njegov opunomoćenik ili bilo koja osoba koja se po Zakonu o stambenim odnosima smatra članom domaćinstva nosioca stanarskog prava i to onog datuma koji je naveden u odluci CRPC-a.

Komisija za imovinske zahtjeve je u više navrata do sada nosioce pomenutih odluka podsjećala na to da moraju zahtijevati njihovo izvršenje. CRPC nema namjeru izdavati dalja saopćenja te vrste niti produžavati postavljene rokove; vrijeme je da nosioci odluka CRPC-a ostvare prava propisana imovinskim zakonima.

Agencije koje rade na provedbi imovinskih zakona OHR, OSCE, UNMIBH, UNHCR i CRPC – zeće upozoriti sve osobe koje ne zatraze blagovremeno izvršenje odluka CRPC-a kojima se potvrđuje stanarsko pravo da, u tom slučaju, rizikuju da izgube pravo na alternativni smještaj.

Obezbjedjenje alternativnog smještaja predstavlja samo kratkotrajno i humanitarno rješenje. Navedene agencije zeće takodjer istaci da su lokalni stambeni organi obavezni adekvatno i blagovremeno procesuirati zahtjeve za izvršenje navedenih odluka.